

# Hverfissjóður Reykjavíkurborgar

## Úthlutunarreglur

### 1. gr.

Tilgangur sjóðsins er að efla félagsauð, samstöðu og samvinnu íbúa í hverfum Reykjavíkurborgar, stuðla að fegrún hverfa, auknu öryggi og auðgun mannlífs með fjölbreyttum hætti þannig að tekið sé mið af þörfum íbúa. Sjóðurinn styrki einkum hverfisbundin félagasamtök, íbúa og aðra þá sem vilja leggja sitt af mörkum og standa fyrir hverfistengdum verkefnum/viðburðum með framangreind markmið til hliðsjónar.

### 2. gr.

Styrkir úr sjóðnum skulu veittir til hverfistengdra verkefna sem samræmast tilgangi sjóðsins, sbr. 1. gr. Reykjavíkurborg getur sett sérstök skilyrði um styrkveitingar úr sjóðnum, svo sem að lögð verði áhersla á tiltekin málefni eða málaflokka. Þá geta íbúaráð sett skilyrði um einstaka styrkveitingar úr sjóðnum, s.s. að styrkur skuli greiddur út í fleiri greiðslum en tveimur, og að framkvæmdum verði lokið innan tiltekinna tímamarka.

### 3. gr.

Sjóðnum skal skipt á milli hverfa til úthlutunar. Skipting fjármagns milli hverfa verði á þann hátt að helmingi fjármagnsins verði skipt jafnt milli hverfa og helmingi í samræmi við íbúafjölda. Fyrir nánari útlistun á skiptingu fjármagns vísast til töflu í *fylgiskjali með úthlutunarreglum hverfissjóðs Reykjavíkurborgar*.

### 4. gr.

Hægt er að sækja um styrki úr sjóðnum allt árið um kring. Mannréttinda- og lýðræðissskrifstofa ber ábyrgð á utanumhaldi styrkumsókna og afgreiðslu þeirra.

### 5. gr.

Mannréttinda- og lýðræðissskrifstofa veitir umsagnir vegna styrkbeiðna og metur hæfi þeirra út frá lögum og reglum sem við eiga hverju sinni. Ákvörðun um úthlutun úr sjóðnum skal tekin af viðkomandi íbúaráði. Styrknir skulu greiddir út í samræmi við reglur Reykjavíkurborgar um styrki.

### 6. gr.

EKKI er veittur styrkur til reglubundins reksturs eða reglubundins launakostnaðar. Þó geta íbúasamtök sem notast við lýðræðisleg vinnubrögð og skila íbúaráði árlega yfirliti um störf sín sótt um sérstakan árlegan rekstrarstyrk. Fjárhæð rekstrarstyrks skal taka mið af fjölda íbúa í hverfinu sem og stærð íbúasamtaka. Veittur skal rekstrarstyrkur að hámarki kr. 100.000 og að því gefnu að eftirtalin skilyrði séu uppfyllt:

- Að aðalfundur samtakanna sé sannarlega haldinn.
- Að stjórн sé skipuð með lögmætum hætti.
- Að reikningar íbúasamtaka séu lagðir fram og samþykktir á aðalfundi íbúasamtaka.

### 7. gr.

Einstaklingar, félagasamtök, fyrirtæki og stofnanir geta sótt um styrki úr sjóðnum. Stofnanir Reykjavíkurborgar eða starfsmenn þeirra geta ekki sótt um styrki í sjóðinn en geta verið samstarfsaðilar í verkefnum sem aðrir sækja um styrki til.

**8. gr.**

Umsækjendur sækja um styrki úr sjóðnum með því að fylla út eyðublöð á vef Reykjavíkurborgar. Í umsóknum um styrki skal taka fram nafn, kennitölu og heimilisfang ábyrgðaraðila. Umsóknum skal fylgja greinargerð um viðkomandi verkefni, markmið þess og framgang. Leggja skal fram kostnaðaráætlun og gögn þar að lútandi. Hafi umsækjendur áður fengið styrk frá Reykjavíkurborg skal fylgja greinargerð með upplýsingum um upphæð styrksins, ráðstöfun og nýtingu fjármuna.

**9. gr.**

Styrkir úr sjóðnum eru greiddir út þegar samningar hafa verið undirritaðir. Endurgreiða skal veitta styrki þegar fyrir liggar að þeim hefur ekki verið varið í tilgreindar framkvæmdir/verkefni, innan þeirra tímamarka sem ákveðin eru við úthlutun eða, í þeim tilvikum sem það er ótilgreint, innan tveggja ára frá styrkveitingu. Hafi styrkur ekki verið sóttur innan árs frá úthlutun fellur hann niður.

**10. gr.**

Styrkþegar skulu skila Reykjavíkurborg greinargerð um ráðstöfun styrksins innan árs frá því að styrkur var veittur. Greinargerð skal skilað á þar til gerðu eyðublaði á heimasíðu Reykjavíkurborgar, þegar viðkomandi verkefni er að fullu lokið í samræmi við styrksamning styrkþega og Reykjavíkurborgar.

**11. gr.**

Styrkþegar skulu ávallt birta merki Reykjavíkurborgar í kynningarefnni og láta þess getið að verkefnið hafi hlotið styrk úr sjóðnum og frá hvaða íbúaráði.

Samþykkt í mannréttinda-, nýsköpunar- og lýðræðisráði 13. júní 2019.

## Fylgiskjal með úthlutunarreglum hverfissjóðs Reykjavíkurborgar

Í samræmi við 3. gr. úthlutunarreglna hverfissjóðs Reykjavíkurborgar er skipting á milli hverfa fyrir árið 2019 eftirfarandi, en tekið er mið af íbúafjölda í lok árs 2018:

		2018	2019		2019	
			Fjöldi	Hlutfall	Fast	Hlutfall
					10.000.000 kr	10.000.000 kr
1	Vesturbær	16.900	13,2%	1.111.000 kr	1.321.000 kr	2.432.000 kr
2	Miðborg og Hlíðar <sup>1</sup>	18.975	14,8%	1.111.000 kr	1.484.000 kr	2.595.000 kr
3	Laugardalur	16.945	13,2%	1.111.000 kr	1.325.000 kr	2.436.000 kr
4	Háaleiti og Bústaðir	14.926	11,7%	1.111.000 kr	1.167.000 kr	2.278.000 kr
5	Breiðholt	21.955	17,2%	1.111.000 kr	1.717.000 kr	2.828.000 kr
6	Árbær	11.210	8,8%	1.111.000 kr	876.000 kr	1.987.000 kr
7	Grafarholt og Úlfarsárdalur	7.410	5,8%	1.111.000 kr	579.000 kr	1.690.000 kr
8	Grafarvogur	18.246	14,3%	1.111.000 kr	1.427.000 kr	2.538.000 kr
9	Kjalarнес	1.345	1,1%	1.111.000 kr	105.000 kr	1.216.000 kr
	<b>Samtals</b>	<b>127.912</b>	<b>100,0%</b>	<b>9.999.000 kr</b>	<b>10.001.000 kr</b>	<b>20.000.000 kr</b>

<sup>1</sup> Hverfi Miðborgar og Hlíða eru sameinuð við úthlutun úr hverfissjóð. Þá úthlutar Miðborgarsjóður til verkefna sem falla að stefnu Reykjavíkurborgar í málefnum miðborgarinnar.